



Societas Iesv Amatrix, Cultrix, Imitatrix, Christi Crvcifixi

Sandaeus, Maximilianus

Antverpiae, 1647

118. Postulat humari corpus suum mortuum ad Crucem, Martinus
Gutierrez, Hispanus.

Nutzungsbedingungen

[urn:nbn:de:hbz:466:1-55449](http://urn.nbn.de/hbz:466:1-55449)

AMATRIX CRVCIFIXI. 205

Denique, quod omnium preciosissimum, CHRISTI CRVCI AFFIXI imaginem continebat, sine qua CRVCIFIXI Amator nunquam proficiscitur. Hic audientes illorum tres Signo illo CHRISTI ē CRUCE PENDENTIS in arculā reperto exultant; sed dum attentius & curiosius aspiciunt oculis minimè piis, exanimis cadunt humo afflitti, & pariter exspirant. Comites qui aderant inopinatā re perterriti, ne & ipsi à CRUCIFIXO, cuius Amatores interemerant, morte repentinā mulctarentur, in fugam se, terga vertentes, dederunt. Zeleator honoris sui est CRUCIFIXVS, qui ne quidem curiosis sceleratorum oculis se minus honorifice haberi patitur.

Petrus Ribadeniera in Virā B. Borgia lib. 3. c. 6.
Jacobus Damianus in Synopsi Societ. lib. 3. cap. 3.
Benzoniūs lib. 1. cap. 9. Gualter. in Tab Chro.
nogr.

Libro 1. Reg. cap. 6. percussi sunt de populo septuaginta viri à Dō, & quinquaginta milia plebis, eo quod vidissent Arcam Domini: nemp̄ irreverenter, modo illico.

VIII.

AMATOR CRVCIFIXI

Postulat humari corpus suum mortuum
ad Crucem.

ID fecisse reor MARTINVM GVTTE-
RIVM CRVCIS amantissimum, & à MARTINVS
GVTIER-
REZ Hispan-
Matre nus.

118.

Matre CRUCIFIXI peculiariter adamatum. Is Anno M. D. LXXIII. è Castellâ proficisciens Romam ad Congregacionem Generalem tertiam cum Sociis Ægidio Gonzalez, & Joanne Suario detentus fuit in Aquitaniâ: nam transeundum erat per Galliam. Hic à Calvinistis ad Cardeliacum agniti fuerunt Patres, & vulneribus multati: hinc in arcem proximam tracti ad lytrum, aut mortem.

Hæc Martinum quinto vulnerationis die extinxit. Cui octiduo antè prænunclarat DEIPARA in Sacellum ad precationes de viâ digresso exitum. Totidem verò post obitum horis, in mortui cubiculum Gallicanâ veste, & facie librali fœmina per medios arcis custodes, tanquam invisa perrupit, & de sepelendo Gutterio Suarium monuit. Idioma intellexit Hispanus. Illa sindonem, quam sub axillâ gerebat, explicuit, & cadavere involuto surripuit se. DEIPARAM credidit Suarius, aut fœminam eo compulsam illius instinctu: quæ mortuo id officii præstítit, cui eadem viventi multa præstiterat.

Præclarum illud est, augustâ MARIA M formâ clienti apparuisse, & Societatem JESV omnem ostendisse sub chlamyde cōclusam. At vicissim Gutterius benefactis benefacta pensabat: & Francisco

CVLTRIX CRVCIFIXI. 207

Francisco Suarez notæ eruditionis
Theologo cathedralm primum ascensu-
ro argumentum suggestit de DEIPARÆ
laudibus. Hoc erat, commonstrare Au-
ditori, plus eam unam cælitibus apud
DEVM universis gratiosam esse. Et
commonstravit novellus Doctor, tum
quidem voce, & in Scholæ angustijs,
post autem prolixo vulgatoque com-
mentario, & in luce orbis Christiani.
Quin tanquam officiis certaretur, ha-
buit mox Guterio DEIPARÆ pro eâ
suggestione gratiam.

Tanti & Matris & Filii CRVCIFIXI
Amatoris corpus, à CRVCIS inimicis pes-
simè habitum, etiam cadaver, ad vicinā
CRVCEM humatū est, postulatione expi-
rantis, ut est verisimile: aut si non ore
expressa, animo sanè concepta. Jacuit
ad CRVCEM, tanquam in fundo proprio,
donec multos post annos in Hispaniam
est translatum. Sed Animam jam tum
vidit Sanctissima Virgo Teresia in cæ-
lum martyrii laureâ insignem transferri.

Iacobus Damianus in Synopsi Societatis lib. 4.
cap. 1. Platus de bono status Relig. lib. 1. cap. 34.
Ludov. de Ponte in Vita Balth. Alvarez Ioann.
Bonifac. in Sapientia fructuosa lib. 4. Epist. 2. lib. 5.
Epist. 1. & 2. Vita Franc. Suarez, prefixa Ope-
rib. Obiit Gutierrez 21. Februario 1573.